

Na osnovu člana 56. stav 2. Zakona o  
eksprijaciji ("Službeni list SRBiH", broj  
12/87 i 38/89), i člana 27. Statuta Općine

Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 30.03.2000.godine, d o n o s i

## O D L U K U

o određivanju procenta za utvrđivanje  
naknade za 1 m2 građevinskog zemljišta u  
društvenoj svojini koje se preuzima od  
ranijeg vlasnika

## Član 1.

Ovom Odlukom određuje se procenat za utvrđivanje naknade za 1 m<sup>2</sup> građevinskog zemljišta u društvenoj svojini koje se preuzima od ranijeg vlasnika.

## Član 2.

Naknada za 1 m<sup>2</sup> građevinskog zemljišta u društvenoj svojini koje se preuzima od ranijeg vlasnika, određuje se u procentu od 2% od prosječne cijene formirane u četvrtom tromjesečju prethodne godine za 1 m<sup>2</sup> stambenog prostora izgrađenog u društvenoj svojini u susjednoj Općini, s tim što se prosječna ugovorna cijena stambenog prostora svaka 3 mjeseca u toku godine valorizuje na osnovu indeksa rasta cijena građevinskih radova u visokogradnji i niskogradnji.

### Član 3.

Danom stupanja na snagu ove Odluke prestaje da važi Odluka o određivanju procenta: za utvrđivanje naknade za 1 m2 građevinskog zemljišta u društvenoj svojini koja se preuzima od ranijeg vlasnika broj: 01/1-023-170/96 od 23.maja 1996. godine.

#### Član 4.

Ova Odluka stupa na snagu osmog dana od dana objavljivanja u Službenom glasniku Općine Breza.

Broj: 01/1-02-447/00  
Breza, 30.03.2000.godine  
PREDSJEDAVAJUĆI  
Salko Šabić.s.r.

Na osnovu člana 68.b. Zakona o građevinskom zemljištu ("Službeni list SRBiH", broj 34/86, 1/90, 19/90, 3/93 i 13/94) i člana 27. Statuta Općine Breza, ("Službeni glasnik Općine Breza", broj 1/99, 4/99 i 7/99), Općinsko vijeće Breza, na sjednici održanoj dana 30.03.2000.godine, d o n o s i

## ODLUKU

o utvrđivanju prosječne konačne  
građevinske cijene 1 m<sup>2</sup> korisne stambene  
površine u društvenoj svojini na području  
Općine Breza.

## Član 1.

Ovom Odlukom utvrđuje se prosječna konačna građevinska cijena m<sup>2</sup> korisne stambene površine u državnoj svojini na području Općine Breza u 2000.godini, u iznosu od 600,00 KM.

## Član 2.

Prosječna konačna građevinska cijena iz prethodnog člana valorizovat će se u toku godine svaka tri mjeseca na osnovu indeksa rasta cijena građevinskih radova u visokogradnji i niskogradnji po sumarnoj metodologiji i podacima koje objavljuje Zavod za statistiku.

### Član 3.

Danom stupanja na snagu ove Odluke prestaje da važi Odluka o utvrđivanju prosječne konačne građevinske cijene m<sup>2</sup> korisne stambene površine na području Općine Breza broj: 01/1-02-489/99 od 25.03.1999.godine.

#### Član 4.

Ova Odluka stupa na snagu osmog dana od dana objavljivanja u Službenom glasniku Općine Breza.

Broj: 01/1-02-445/00  
Breza, 30.03.2000.godine  
PREDSJEDAVAJUĆI  
Salko Šabić,s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-485/00  
Breza, 31.03.2000.godine

Na osnovu člana 50. stav 3. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 30.03.2000.godine, d o n o s i

## ZAKLJUČAK

## 1

Da se Općinsko vijeće redovno upoznaje sa mogućim donacijama u općini i da Vijeće na bazi prijedloga Savjeta MZ-a o prioritetima na njihovoj mjesnoj zajednici određuje konačnu listu prioriteta na Općini.

## 11

Da se Općinsko vijeće redovno izvještava  
o utrošenim donacijama po prioritetima.

## III

Za realizaciju zaključka zadužuje se Općinski načelnik i Služba za privredu, obnovu i razvoj.

DOSTAVLJENO:

1x Služba za privredu,  
1x Općinski načelnik,  
1x ZSS MZ-a,  
1x OI/1,  
1x Arhiva.

## PREDSJEDAVAJUĆI

Općinskog vijeća  
Salko Šabić,s.r.



